

温州市图书馆

安般彩诗集 十卷 春闲杂咏 一卷

共 5 册 存 5 册 排架号 08038

溫州市圖書館

75.44
索書號碼 4036.6
C3

登記號碼 08806

共5冊

南

能

籀

西

續

金

光緒庚寅

李文田題

敘

易有之書不盡言言不盡意然則聖人之意其不可見乎
天有十日人有九品自非太上孰得忘言言而不通將求
其類類情宛轉辨采滋彰心不謂而彌忘幾且通而還塞
若夫久竹青甯之對須彌芥子之談東京耿介遯方術之
駢枝齊魯儒書起神仙之迂誕自非識窮始素思盡元黃
予同道情該練俗變蕉萃專篤思理不渝者則亦孰足與
察比興之淵微較有無之極致矣漸西无名人法无孤起
境觸方生竝興而作詩若干卷續若干卷觀其比物連類
餐潔茹芳騷人蟬蛻之心也迴視收思樂不忘本小雅明

發之懿也爰及夫交游贈荅存沒哀思儒林講肄副墨雜
誦之所攬蔓闐闐風馬歌驚饒之所蘊藉汎而後應其
出不訢則又九流之散言出賦家賈誼升堂相如入室所
相與濟孺道眞筭勺物沴揖讓登降禮樂以俟者也行春
花藥言寓思於哀駘舉目山河獨撫膺於逝者朱干玉戚
則端冕以舞清商激楚乃絕絃可知君之於此幾所謂持
其性情不令暴失者乎莊生有言況乎昆弟親戚之警欬
於其側夫昆弟親戚者其聲可識知其端不可思三復斯
編庶幾脫落陶謝之枝梧含咀風騷之推激余乃於是擣
首抑容怡凝怫悒勞不可理廢然以止者已光緒壬辰仲

春小長蘆社人沈曾植敘

溫州府圖書館藏

晚

子

國

不

溫

州

補少... 溫州...

100

安般篋集目錄

詩續甲

徐柯墨寫牡丹數枝及行草書

東園十二韻

山雞行

春風

梅

龍女圖爲黃仲弢題一首

賒酒

租花

哭叔遲

慰移華學士左遷

三李君詩

誚希夷

訊李臺郎家梅花戲呈一絕

漚簾夜坐

次韻尊老陶然亭小集之作

雲海二首

看鶴銘

吳筠軒觀察年八十餘重游泮水索詩

吏不可爲

偶呈施均父

寄丁徵士一首

失題

溫州府

1001

成

公

成

不

成

成

卷下 卷十一 首

卷下 賦 成 父

卷下 賦 成 父

安般箬集

詩續甲

芳郭鈍安



徐柯墨寫牡丹數枝及行草書

乙酉

鳥哢欲呼春林塘未迴綠冰池寒尚擁花窖煙方續淡日

下東窗傾城曙芳躅春光青黯黯潭沲交枝玉磅礴想脫

巾禿翁東海曲

徐自署東海一老忠節公諱汧中子明亡不仕

繁華胸已淨久厭

凡卉縛風姿邈已緬生絹裁餘幅誰謂寸心妍朱顏似枯

木

小徐冰雪顏大徐槁松枝二徐工墨戲未若章草奇驚鴻

斜復正瘦竹搖離披家國有餘哀何心垂文辭古來驚絕

詩續甲
藝往往遺世人
眎身久蟬蛻
賸水殘山親
哀樂隨所寓
爛漫一寫真
寂寥二株園
玉骨已成塵
惟餘耆奇者
醉墨寶遺民
掃除雪色壁
剝落溪藤皴

東園十二韻

強學忘機者
斯人政未忘
散衙欣寂坐
小立傍幽香
林缺亭孤聳
龕明月半黃
池篁掃陰磴
簷鐸語風廊
小洞苔成字
方邱石作床
枯松穿檻入
翠羽擇枝藏
澹夕觀碁旨
慵朝叩藥囊
不知晏近市
欲禮蓋居堂
白日動幽興
青春抽野芳
人從諠蔬壤
天與借蘭房
削迹心還淨
無營味轉長
何論工柱下
真欲老聾郎

山雞行

君不見青邱雪落何皚皚山雞赤羽大瑋瑋腹背之毳生
六翮昔何軒翥今摧頽餘丹漫欲舐黃爵籬閒決起搶榆
槐當時謀取鷓鴣窟呼曹啄粟成瓊瑰一朝紘干新凍裂
危巢禿樹淒以哀嗚呼風力積不厚扶搖竟難待翰音升
青冥來者可以戒何如十步一飲礪泉甘栖息山梁花雨
覆毳毳

春風

春風十日未尋芳乞得閒曹作病坊時有鵲銜花一片空
庭飛墮野梅香

梅

虬蟠鍊屈三寸夢醒香寒一枝翠幙遮風密密遊蜂也未

曾知

龍女圖為黃仲弢題一首

圖為姚梅伯作

姚君挂腹餘一奇搗灑乃出天人姿洞庭蕭蕭風滿旗干

山葉禿紺髮微凌波出浴氣森霏神女自著六銖衣急逢

龍背且須鞚夢雲笑電紛掣隨凝妝靚飾曜倒景驚鴻蹴

蹋四圍瀾汗青琉璃口脂新賜水晶殿弓韉下胃扶桑枝

東朝海宗西戴勝鼉發暘谷昏瑤池有如赤松無特操隨

煙升降將何為

荆公詩赤松亦自無特操上下隨煙何怪怪

固知墨客偶遊戲

託彼荒忽騷歌思倘令毗邪長老爲說最上乘定復稽首
入天師朱顏玉面終古不可皺金骨一變天門開闔能爲
雌我今亦作荒唐語蒼水使者在何許四溟毛孔不可攝
波母之山天坼柱時台北久困兵事相持不決東皇虛擲八千驍玉女
投壺頰復怒妙畫通靈百恠生錦囊收取黃初平君家雁
宕第幾重幔亭張樂上有羣仙迎且攜素手朝眞去洞觀
三淵收視聽何用腥臊戲赤城颯然彩伴追娉媿

賒酒

久拋鄉店梨花釀但覓長安麴米春試敕廚人斲龍鮓何
妨老子漉烏巾能容白聖於吾厚未典黃衫不算貧更作

言續甲
五
勝書供一醉接羅倒著過西鄰

租花

兀兀牆東充隱身蕭蕭分得一叢春
春猶駘宕頻籠火老更疏狂滿插巾
小廡聊容高士寄園官不厭長公貧
青瑀乞取東皇勝便喚流鶯與結鄰

哭叔遲

卜鄰湖上徒虛語校錄竹西迹已陳
平生篆刻有耆好豪楮俄化爲煙雲
風定軒中一迴首春禽格磔那堪聽

慰移華學士左遷

舉手不須向左搯床浪指枯龜世上苓
通棄去養空得善

者機

三李君詩

徵君不可作作人無町畦銅渾寫洛下松塵落曹溪元風

一以逝桃李無留蹊惟有城東月長照玉河隄

李迎叔
徵君

早挾奔騰氣晚饒礫砢節湟中千丈松天山一片雪談笑

鑿凶門收身成隱逸欲以不材全還肱壯游笈

李雨蒼
都護

藤花落幽榭風葉拂虛幌中有澹蕩人放目空翳障人生

亦有涯大化劇流浪挾冊駐朱顏誰知井丹狀

李尊客
臺郎

誚希夷

希夷自入張超谷一枕瞢騰五百秋多事猶嫌開口笑浪

句束帛到林邱

訊李臺郎家梅花戲呈一絕

遙想梅花丈室圍外廚煙冷未晨炊詩翁老去風情在自

汲銅餅養折枝

漚篠夜坐六言絕句

枯坐藜床六尺青絛一抹春煙此卽著身巖壑何須白足

尋禪

不論夷吾江左無人能泣新亭只有老楸堪語挂著寒雲

兩星

壯士龍沙已矣

邊將楊公玉科有平滇功曾記其所歷軍事本末介人屬予序之今聞死綏關外矣

故人鰲臂偏枯

謂雨蒼

平生劍客都盡李蔡徒垂曼胡

天甯醉割鶉首人自坐困壺頭關輔蕭蕭春色喚誰填石

東流

次韻萼老陶然亭小集之作

一洗馳驅十日塵蕭然野色界城闌何當七澤三江客同

作煙簑雨笠人散髻新辭郎署長

君將遂乞長告

華風重話玉關

春

均父自疏勒從軍歸

無邊物外真游適不待柯亭理釣舩

雲海二首

碧城空際雲成海削嶺坡陀各異觀倘入雲中雲不見天
風吹霧著衣寒

言續日
溶溶雲綻碧天衣林影晨光遠入微若與赤松閒賭賽子
乘風我抱雲歸

看鶴銘

偶來槭槭眠漚室臥看蕭蕭蛻鶴銘石泐紙癡煙霧駁幾
行華月綴疏星

吳筠軒觀察年八十餘重游泮水索詩作三首

尚書持節碧雞鄉羣從清標奕葉光作草翩翩供內制含
香的的有仙郎隨圍

南苑行騰紫剖竹西山傑閣蒼老去巢痕懶回首惟思橫
舍讀書堂

鼓篋名場發軔初鬢毛如鶴禿中書春婆舊夢天辭表夏
課新編手揭檠看竹閒攜藤策策放魚罷貫柳疏疏校官
弟子銜重署新輩爭扶上筍輿

友人爲說阮公墩九叩櫺星石闕尊

昔在竹西柳賓叔先生年入十四丹徒學

官以重釋菜澤宮請先生不應既而語子曰阮太傅重游之日以會典不著禮節爲疑命門生議之旋以校官前引在櫺星門外階上行三跪九叩禮某不審應在階次第幾級倉猝無人議之故未往也此一事可見前輩舉動之慎

治行吳公今第一風裁柳叟喜重論芙蓉鏡老春衫皺杏

樹壇高禮器捫留待八年鳴鹿賦

君壬辰登賢書屈指將重賦矣駐顏法

酒醉千樽

吏不可爲

朱墨紛紛動費旬空勞繫縛句文身不如一掣曹溪棒足
下生駒蹋殺人

偶呈施均父

平生雅恥鶉生突惟愛蕭閒鶴在林萬里故人開口笑一
官沈陸閉門深蟲魚生死枯竹裏雲月建除丹壑陰半斷
松枝礪底綠春風無事莫相尋

寄丁徵士一首

稽留山下君卜築嚴子祠前我欲耕瘦瓢挂林風歷歷煙
艇吹火星熒熒菹材不辨越兼魯弓矢那知凡與荆可許
陸皮追唱和松陵笠澤鬥閒情

失題

禹甸神皋孰與齊
牧牂旋覺岱宗低
雲生赤岸三山幻
風起青邱七聖迷
銅柱豈堪無一尉
金城從古少丸泥
蘭陵破陳何人奏
縛取名王舞白題

飲

公

酒

不

如

温

詩續甲終

安般箬集

詩續乙

階下海棠花盛開偶成一首遣興

輿中口占

路遇海光寺僧戲作

喜晤趙桐孫太守高仲瀛觀察有贈

次韻答桐孫見贈長歌

桐老疊韻以近事見嘲有修羅設會主賓倏聚之語
因復次韻答之聊附應閒之義云爾

陪錫尚書鄧鴻臚游賈家沽觀機器廠用前韻

謝李方伯送酒二巵

和周使君

旅窗聽雨

西沽泛舟

登西樓

卻掃

夜聞吹角聲感異

漫興

謝人送羅浮竹扇江鄉枇杷二絕

寄仲瀛

江眺

簡同年張吏部

丁沽

憶定林寺

謁故人王璞臣令君祠堂

贈家敬孫通守

李方伯挽詩

喜雨

四月十九夜

一瓢

莫嗔

析津武備院故皇船塢之基址也新作高樓登臨慨

然

合泚使相招夜讌卽席作

上榆園三兄

上義庭兄

留別仲瀛

西軒睡起

津門晤李萼老

寓館月季花盛開

津門曉發呈節使

偶題四言

朝陽寺小憩

安平驛遇雨

朱雲

和桐孫贈行之作卻寄

早發口號

將抵都門

東廡卽事

瀨上家書至報聶秀才亡感觸舊遊遂作一首書於

紙尾

言續乙
言續乙
三
憶昔一首

次韻答王逸梧祭酒

久旱得大雨曉坐漚篠作

逸吾祭酒來詩有一臺二妙之句因復戲答

均父遺我新作橫幅紅梅一株枝老葉硬氣勢蒼古
因題句其上

和均父

放歌答施均父

調朱鼎父

省夜

新竹

咏箍桶叟

偶然作

伯蘭宗室戲畫一驢一車一奴星作趨曹之狀意態
栩栩劇可笑也爲題一詩

贈張廉卿

送梁節庵謫官歸嶺南兼寄潘孺初

題少司空徐公竹隱廬圖

送廉卿先生出都赴保定蓮池書院

贈徐亞陶

言部
四
晚霞寄興

重九集棗花寺送逸梧學使別

移居老牆根漫咏七首

張季直捷京兆以詩賀之

均父太守以重九未赴棗花寺讌集詩見示因荅

井泉

寄示從子觀瀾德劭古詩一篇

南村方古香丈 先君行也年七十有八矣聞其尚

健詩以寄之

送張樵壘太常奉使墨利加洲長句三首

陶然亭西軒

獨坐

朱竹石提刑遠餉古逸叢書二十餘種作詩報謝

均父以前夕話舊感懷詩枉示因次韻

臘月十九日自典客解中西軒移榻東館感觸偶書

絕句

逸梧學使蒞節三吳途中追述重九日崇效寺餞集
作古詩二章郵示屬當歲闌遠垂光寵勗竭蕪音次
韻奉寄

書東廨壁

書東風整

論本實

飲

夢寐思時

醉心

酒

臘月十日日自... 中西... 蘇東... 蘇東...

此父以... 蘇東... 蘇東...

宋竹... 蘇東... 蘇東...

蘇東

蘇東

安般彙集

詩續乙

芳郭鈍安

村叟既託友人詮次平日所爲詩得十三卷乙酉春暮
作析津之游逆旅無俚傷時恫鬱翛然以斷縑枯竹自
怡復戲編近作爲一鉢集村叟有從兄曰羲庭先生鉏
藥引泉葦山自隱嘗夢村叟老禿爲天目西庵老僧因
笑語其弟曰汝二十年來一餅一鉢亦垂垂老矣復何
求於世哉村叟敬應曰然有是哉此集名之緣起也光
緒乙酉初夏

階下海棠花盛開偶成一首遣興

時在析
津行館

八年蟄臥闕京國一日飄然忽東出
蹋盡黃沙白柳隄兀兀征鞍去如失
出關何處見春色鼓吹喧闐千騎疾
巖城海市雜氛稜瞥睹名花轉蕭瑟
玉顏嘆酒暈微頰金屋無風欺弱質
紛紛蜂蝶不敢到那有花房引厓蜜
何人避世海棠巢綠鬢方瞳隱丸橘
西紅海波雖稍靜東王公驍憤猶溢
春愁浩浩聳天地花氣沈沈侵卷帙
卻憶王城三月尾妝林纈地情何極
名藍極樂花之勝皆寺名大隄士女如
雲出河山歌舞仗誰復餘生欲見開
天日幾時歸約故人游花下狂歌倒
千榼

輿中口占

榆莢初齊柳未花
九十九淀水平沙
黃魚玉糝萋蒿短
遙指青旗賣酒家

木蘭路遇海光寺僧戲作

八風吹汝閻浮去
半偈曹溪日用新
荷葉濺波終不溼
桃花作飯轉成塵
戴雙蓬累青山曲

荆公引史記索隱以蓬累爲笠也今注無此文

汲一軍持野水濱
閒策瘦藤看落日
何須更覓避秦人

平土喜晤趙桐孫太守高仲瀛觀察有贈

十年奔走各殊科
一笑相逢鬢已皤
莊語未能迴世濁
危機莫使損天和
東游欲泛三山棹
北望誰爲五噫歌
坐約使君張水戲
萬人建纛伐靈鼉

次韻荅桐孫見贈長歌

異時浪笑劉原父能說山川胡敢侮空稱駁馬食於菟未
返燕雲六州土南朝館伴蘇子由亦屈鏡材持作俎差幸
平生賦茯苓林牙動色能誦數豈知時局與古殊伏卵雞
材何必魯侏僂無復霸朝臣峨冠恥入文身戶況予執戟
聊代耕那有雄談諧虎鼠軍諮浪逐雙星出郎選謬承三
府舉鶉頭割棄天甯醉蝸角紛呶神欲吐可憐西海銜微
木猶勸北平穀彊弩強持漣酒一頻顏誰識口中生闕苦
天水郡將吾故人耦耕相招溺與沮囊穿餘智猶足辦避
世一邱差自許安危自有謝文靖竊學羲之報周撫但道

田閒種果書約游汶領峨眉宇

原作

趙銘

昔聞乘桴歎尼父能治國家敢予侮纔看頰谷卻兵
劫頓使汶陽歸故土後來嶧山斥儀衍小儒疇復堪
樽俎誦詩專對謝不敏從政斗筲焉足數男兒墮地
懸桑弧束髮便令讀鄒魯但教一出平四國終勝捉
襟守蓬戶晏嬰舌詆荆國狗臧孫目笑齊侯鼠捧槃
叱隨毛生歆擊缶書爲相如舉扶危須仗凌雲才袁
絲懷抱向誰吐立馬恥食三品料射駮思鼓干鈞弩
可憐時事益艱虞節錯根盤意良苦分憂未忘多壘

言終乙
恥尋盟肯說登壇沮日中以爭至於昏僑吉相尤竟

如許莫嫌島裔恣馮陵終仗

廟謀工鎮撫他時飲

至碧留犁一笑無塵對寰宇

重黎津門之役意思鬱鬱不自得故作此慰之

桐老疊韻以近事見嘲有修羅設會主賓倏聚之語

因復次韻荅之聊附應閒之義云爾

欲扶日轂鞭夸父幸免波斯賈胡侮醉持服匿晚狐穴一
片紅氈遮羸土既非四種阿修羅亦乏偶籩并奇俎干枝
火齊燈如晝異草奇花紛可數蒲桃酒醪珍珠紅莫笑圍
邯由薄魯座中蠻語一參軍萬里跼鳶懷北戶世事轉綠
更迴黃有似黔驢鬥梧鼠珠厓議罷躡捐之丁零欲案追

文舉強師苦縣欲爲雌肝肺槎牙艱一吐易州老守忽騰
笑曷不張汝大黃弩狎虎如漚古有之使鴟嚇鵝毋乃苦
苔言詘信非一塗茅靡偶爲時所沮康成差逃行酒辱陽
貨聊復饋狔許屣提中含一切法欲喻先張掌還撫惟愁
詩將戰頻挑迫窘幾窮皺眉宇

原作

趙銘

宰獻請安媒稠父佛狸乞酒遭宋侮誰呼下馬令公
來銀杯在手爭酌土本無戎羯襲冠帶那有猛虎窺
案俎琉璃割匕浸蒲萄倏聚主賓紛可數就中鵜鰈
嬉眷屬各攜犧象分齊魯錯疑妓樂合東山直鬥酒

兵吞北戶

爾雅四極之北戶即古交趾

北戶曹對此顏為頰誰向鸛

雛嚇腐鼠一石能飲太滑稽千金為壽徒豪舉朝見

雨雲恣翻覆暮隨煙霧相吞吐熱炙甯隨襄主斗危

機恐伏眉珠弩海鷗狎視雖無嫌童殺醉罰毋乃苦

我笑英雄並兒女騷人豈為壺觴沮修羅苟不弄戈

甲設會無遮佛亦許況今聖人奏雲門西海鱗臣並

就撫角上蠻觸何足論曷不返游化人宇

陪錫尚書鄧鴻臚游賈家沽觀機器廠用前韻

滔滔何以閱眾父利器深藏疇敢侮風后長聞工握璣媧

皇今復陶黃土尚書胸有千甲兵堂宇雄深辦尊俎鴻臚

氣與嵩洛秋括地掌螺紋可數東臨碣石攬滄溟北學夏
峯化椎魯方今天發龍蛇機交州陸梁敵開戶塞河一費
防穴蟻購弩千金思射鼠機春制拓杜預規旡動疏還賈
逵舉風輪三十六鑪迴紫霧炎煙相欲吐公輸九距蹴旋

梯葛亮連珠藏暗弩漫云禮失反求夷須識器師心獨苦

諸君各抱籌邊略

謂董其役者潘梅園吳薇
隱兩觀察趙桐孫太守

長轡甯爲邛

阪沮手清萬里編尉候心在一邱協唐許劍池霜淬鷓鴣

寒天廐雲騰渥洼撫會當洗甲挽銀河重譯斂關朝玉宇

謝李方伯送酒二巵絕句三首

壺邱心似溼黧灰靜看鑪煙戶不開豈料青州兩從事破

除禪病斬關來

使君昨夜醉如泥差幸門無醉尉譏更欲從公乞泉乳剖

分鈞突碧玻璃

李官歷下最久

題糕簪菊作重陽長憶公鄉老侍郎

記壬申秋九在白下從吳竹如先生讌游

事知否南宗一勺水為傾重碧漱甘芳

和周使君

九衢塵滔滔橘枳桂為薪亦有野鶴姿蕭然出風塵吏能

絕精敏餘事搜枯筠始知守道者不以俗喪真何處非定

性萬象皆為賓欲迴島索秋釀作羲農春君家九華曲盤

根聳嶙峋崖林張紫髯未到發興神貽我遼海圖一一襟

喉陳袖中有渤碣眼底羅星辰看君笑談閒指撝狄鞮人
功成拂衣去穿築溪堂新子騎琴高鯉予亦烏角巾田里
有至樂老作山中民

旅窗聽雨

蕭然一榻西窗雨兼送東鄰寺裏鐘今夜長安兒女憶數

耶獨宿潞河篷

予前日作書示家人云將泛潞河而歸

故鄉聽雨人都盡飛閣青林沒晚潮聊發少年狂意思海
天散髮獨長謠

西沽泛舟

散髻陪勝流扁舟發孤興冥冥一川綠風木激清聽曲紆

大河合斗錯碕岸迸井落隨處成茅篁互陵映水南高敞
地略約通一徑森然入武庫松陰覆蘿磴脩脩蒲柳黃晶
晶溝港淨方塘可垂釣天光吸雲鏡奇景傑閣收一攬萬
化勝到此澹忘機白鷗洗心性大制貴無割利器藏不病
朝有杜武庫太阿斯握柄區區歐薛工瓊瓊浪譏評甲數
水犀藏刀以定秦姓以之毒天下豈卽沈災榮欲迴東海
濤瀉入流杯澄朱義行上道 玉燭神化凝而我樂歌呼
芸生各安命超然作幸民何必句漏令隨處營丹沙千潭
石淙靚逍遙六七公同趣應可證語罷舟遂迴招提夏煙

磬

登西樓

四月春猶在飛花落地輕曉看津渚白氣似越山清野色
平分檻河流曲抱城無機成旅逸浦樹亦含情

卻掃

龜堂老子似愴荒卻掃無塵世慮忘風颭槐陰圓不定泉
分井脈冽初嘗撐腸紫莧知鄉味敲眼青藤漏日光轉喜
客中生事儉枕痕著面膝穿牀

夜聞吹角聲感異

角聲非徵復非商夏夜城頭秋意長既不聞佛狸吹脣動
地至亦不聞垓下四面雞鳴歌抑揚又非漢女鳴葭十八

言總乙
拍毋乃大秦氣出唱嗚嗚酸鼻來股牀軍中自有鏡吹列
雅樂胡爲乎兜離僭侏牛鐸干媧簧徒使青楓林深射工
匿白日色淡山魍藏天池水怒盪營魄異魚出曝聽低昂
放臣歛歔寡婦泣頽雲離披天雨霜蒼海無端岸自坼老
夫不覺神內傷何人學禮向淮陽無復樓艦出句章六軍
蟲沙同日化九關蟣蝨醉未央避風爰居亦何樂不如羽
人腰筵去飛傍南斗開天閶竊聽鈞天一曲風浪浪

漫興

自笑平生履險巇晚來蝟甲翫枯枝夢迴猶作驚濤洶碁
罷都忘歷劫危沈陸宜僚瘖入市罪言杜牧鬢如絲樵風

敢乞東皇賜明發扁舟信所之
四明誰信客非狂物外應尋服食方
珠樹幸無巢可泊金魚欲換醉爲鄉
暫依玉節觀瓊島旋挾金仙拂石牀
有約移家全入道華嚴海色泛清涼

謝人送羅浮竹扇江鄉枇杷二絕
羅浮道士縛青竹付與仙官作扇材
脫手蘭陵祭酒贈虛窗松下有風回

回首家園樹樹金函封百顆久沈沈
何人挂席筠籠致想見穿林摘露深

寄仲瀛

言終乙
靜中每復思良友欲借山窗對榻眠素食無才濟時了元
亭有約懺塵緣林園樂事誰能說濁世機牙豈所便待訪
先生中隱處疏鐘隔水起蒼煙

江眺

弱柳黃蘆遠似齊人家高下占圍隄河豚上市廩應美檣
燕衝波去復低岸接白沙晴漉雪田生蒼耳坂無泥祠官
禱雨澆銀罌萬里無雲日又西

簡同年張吏部

倒冠落佩幸無嫌日飲亡何酒令嚴怯事真成齊客贅忘
歸豈待楚人鉗公家霜戟門羅雀吏隱風流竹上鮎差倚

豪情鬥強韻不須綠鬢伴衰髯
君桐城人文端相國舅孫常獨居道院故戲及之

丁沽

丁字沽頭船不歸瓦南街裏帑忍饑恨無佳客同醒醉
問金庭有是非吳下蠶眠桑葉暗漁陽龜坼麥苗稀老農
淚入枯腸痛風捲蘆棚生事微

憶定林寺

何日雲山深處歸黃精劇取慰朝饑樵夫漁父同醒醉石
室精廬少是非山雨森霏黃榭長江風浩蕩白鷗稀定林
長老吾能識磊塊無言叩亦微

謁故人王璞臣令君祠堂
光緒初年宰天津縣有惠政

平生講學今何處
蹈海移山首重迴
天末冥冥期獨往
鬢毛故故畏相催
東方一士蒼顏古
岱竹孤生鐵笛哀
碑石未確先墮淚
那堪衰疾更登臺

予欲撰君事蹟作碑未成

贈家敬孫通守

層城歌吹喧華屋
魚鑰朝開夜不訶
獨有韋公懷自抱
夢爭漢室近如何
衡門對雷他年約
碁局中心積恨多
白日

幽州雙鹿屨煙波
甫里一漁簑

李方伯挽詩

君諱元華六安州人同治初佐今相國李公勗立淮軍著有勞績後坐事免官

幾日萍蓬數面親
電光收取刹那身
飛觴北海泓崢座
送酒東籬澹宕人
榮落苓通真可棄
蜚騰戰伐夙如神
短衣

射虎俄陳迹不用人間醉尉曠

喜雨

四月十九夜

坐視焦原劫龍神社鬼瘖今宵逢快雨灑潤到園林氣挾雲雷戰仁知天地心無田吾亦喜破睡盼沈陰

一瓢

一瓢一笠醉騰騰行腳前身食肉僧莫學支公心不淨
和一念逐秋鷹

一笠騰騰又一瓢殘山賸水日蕭蕭思量更折寒蘆渡卻被浮槎阻晚潮

莫嗔

莫嗔詩老陸龜堂

放翁先生以名其居

只共漁樵說短長日鑄半甌

南埭汲風漪八尺北窗涼何人追論維州沒誰復推誠悉
怛降無物眼前供一笑殷勤紅藥繞階香

析津武備院故皇船鳴之基址也新作高樓登臨慨

然敬述一首

樓船親御憶

仁皇習戰昆明事未忘長遣駿圖懸應格勿令龍岷翦爲
荒市聲飀激浮煙霧閣勢飛鳴倚混茫待看相公搗白羽

汗流鞭石會成梁

弟四句用郭景純語

合肥使相招夜讌卽席作

氣懾扶桑早挂弓
清宵開閣幾人同
初筵絲竹凝雲遏
列校麾幢蓋海紅
分陝黃圖長拱北
伐宛赭汗又徠東
還持酌地銀杯灩
一遣諸蕃拜令公

上榆園三兄

山樓環翠瞰平沙
背郭臨溪路入麻
卻憶清明楊氏鳴
酒船滿插杜鵑花

上義庭兄

書來新作白茅庵
汲水樵童時兩三
大布爲裁衣一領
山中苦筍約同參

茅坪耆舊彫苓盡
鄉曲兒童日夜新
惟有繡峯迂趙叟
還

應說著遠游人

留別仲瀛

海光寺外藍田水綠淨沙明玉不如茲水命名良不妄故
人抱槧得幽居胸中一粟九雲夢袖底三年雙鯉魚何似
孤山茅一把臨磯對築小精廬

西軒睡起偶成絕句

無心危坐學黃庭門外煙檣接遠汀睡起西園春已去卻
看飛絮度風櫺

津門晤李尊老

時棄官來主
問津講院

浩浩津沽塵似海斜簪散髻又相逢身如華表千年鶴心

在雲門一畝松已薄東方高祿隱還同元晏帶經農後堂
猶欠張絲竹待擷菖蒲花紫茸

寓館月季花盛開

客邸無聊酒偶中鄉園春盡落花風饒他爛漫紅千朵不
及酴醾玉一叢

津門曉發呈節使

杏未肥黃麥未秋微雲遠樹迂行騶路逢隻堠兼雙堠村
喚晴鳩雜雨鳩笳鼓訇天蒼兕譟旌旗獵地赤鷹愁此曹
何似南征用一豁籌邊

聖主憂

偶題四言

日中一食桑下一眠行時一笠坐時一氈不蜚於天不虬
於淵老師柱下炳燭陳編

朝陽寺小憩

潭底黃榆綠更濃過橋煙破一聲鐘偶然敷席西齋坐來
倚東林寺裏筇

翻翻高蓋弄新荷散作珠璣拂水多恰似道人忘入定隨
機所得是天和

安平驛遇雨

雲氣離披稍出村西來雨勢欲翻盆行人莫惜霑衣溼待

看平疇綠滿原

極望滂沱天四圍籠東翠蓋溼金鞵就中一箇狂標格戴
笠山人雲滿衣

朱雲

懷抱鬱鬱向誰開頭白朱雲豈吏材此行直爲觀滄海塵
起西風障一回

和桐孫贈行之作卻寄

幾年遲我飛霞佩何幸霑君玉色醪世事不須煩一映浮
榮那復夢三刀蘇卿且恥牛爲從王令頻嫌馬作曹但願
雲龍相下上不辭汗漫躡盧敖

早發口號

欲問征夫路蒼茫望不分連林翳朝霧禿岫隱頽雲

此仿唐人

句法上句寫景下句借喻如微陽下喬木野燒入秋山扶攜度陽燄窈窕一川花之類

麥隴晨光潤

茅簷野語聞倦游逢荷篠力穡媿君勤

將抵都門

鳳城佳氣隔雲殷指點樓臺杳靄閒林外孤村煙外寺迎

人一抹翠微山

東廡卽事

雨餘屐齒印蒼苔又見紅葵帶露栽午枕風軒逃暑去晚

盤雪藕斲冰開魏侯抱梗真爲累魯國剝皮待祓災寂寂

散衙清似水笑看行蟻戰枯槐

瀨上家書至報聶秀才亡感觸舊遊遂作一首書於

紙尾

山中故人日彫落招隱祇聞猿與鶴溪水遙憐咽晚風喪
珂今已薶蘿壑卻憶舊時巖下游夕陽沙際盪輕舟捫苔
石壁千尋上大厯題名百字搜危松煙深鸛雀語古洞徑
絕龍虵愁此時載酒傾厓下風捲驚濤兩岸秋樵夫漁父
拍手笑古人佳句今人收同游檢點今餘幾江水潺湲日
夜流

憶昔一首

憶我七歲時辟穀方浪剽胡麻與黃獨飲水空腹噍妄言
 人世幻囚拘念輕矯偶登白茅岡撰杖嚴君詔開口成
 五言曾索霽顏笑九稔賦楊梅強樵廣平調頗驚長老座
 似謂天機妙十五補諸生兵亂旋吡噉化離阻晨昏燔掠
 傷邱廟十八痛苓丁鮮民疇辱弔折翼失危巢摧松有枯
 薦窮年走荒野鞞迹雜屠釣二二三時天牖鑿混竅從
 師艤江湄訪友陟海嶠德人高伯平先生劉融齋先生鍾子勤先生螢爝
 附龍曜始悟廿三前不祥人孰療誓將棄癥垢漸欲探幽
 突導山岫三條杭壑源四徼力弱涉逾艱意奢獲常少淺
 鑒自謂深鉛刀恥出鞘薄醪自言醅難供知者醕冥冥但

孤往疊疊抱微照積毀笑冥之浮譽頭亟掉正道出微茫
理策窮窅襟世緣輒然和誰沃陸渾燒百途付苓通外物
迫煎爨苟於得喪明甘守蓬與藿求仁道豈遼積學規徐
肖焉知二十年生事困難料羈淮無宿春游薊冷炊銚坐
落塵網中如綫自縈遶阻予孤往懷頑鄙時自誚竊食慙
尸素感時徒擗標朝隨雞鶩餐夕類屠沽焦落拓竟無成
前修誰復劭室中稍羅列圖籍氣深縹簷榆覆疏疏園石
植隋隋以予顛眴疾舊業廢誦敷晨饘動達午夜寢恆至
卯浪送一日光甘墮十年操古言雖插架捐學久傷菀有
如佳客來拒絕疏饗覘主殊負客意族庖無美膳學治有

丹經不能舉其要用戒子志荒毋爲小儒擎朝華悼浮榮
淵默啟神告初服期返吾世羅勿輕媯誰舉鴻鍾撞一洗
蛙鄭調

次韻答王逸梧祭酒

前朝漢聖推貢父辯如歐九猶遭侮自庵老人誤續刊那

知劍氣蕤黃土後來宗匠復誰數長沙祭酒操鼎俎周自庵先

生治漢書日積札記至數十卷君繼爲之愈積斂無涯矣中郎獨斷恣爬搜衛宏舊儀

紛誦數閉門不出動經旬經獄斷斷剖齊魯客來剝啄長

鬚噴公方赤足鍵兩戶手生皸漆禿干窺詞決嫌疑磔餘

鼠夜深百靈下窺瞰禮器西輜隨聖舉劉舍人嘗夢手執丹漆禮器隨孔子

西行昨與散官角強韻羊酒坐邀雌款吐龔山不免喫藤條
小陸何煩張硬弩歲月如流真可惜借璫耗奇意良苦眼
中擾擾昨暮兒章甫甯爲庸俗沮發擣舊史且策勳陳古
刺今聖所許蘭陵將復爲老師五丁開山掌應撫願從橫
舍抱遺經一發天光游泰宇君服闋來京將復爲祭酒於是長成均五年矣而不得遷
故戲語云爾

原作

王先謙

下邳橋頭逢褐父淮陰乃出少年侮吞聲詘節化侯
王從古高材出泥土爲郎執戟非不達况復折衝預
尊俎但令豪髮裨

國家世態低昂焉足數多君文章富匡贊欲變蠻夷
用鄒魯邇來天意轉蒼茫坐見藩柅隳北戶戎心狡
啟窟營兔將略空夸穴門鼠清談晏坐彼何人鉤撫
微細徒毛舉紛紛梁肉盡一概鬱鬱胸膈何由吐名
章俊語發道妙洞微有似札穿弩萬象皆賓緣性定
一餅垂老知吟苦昨陪使節析津遊事秘莫知高論
沮歸裝賴有詩卷壓不負此行差自許朝衫莫學宏
景挂朱弦聊爲鍾期撫較量千古定誰賢仰慕青天
豁眉宇

久旱得大雨曉坐漚篠作

地坼塵黓人園竹作龜焦長夏生物盛如何含枯彫前日
汗流席六合氣爲窳昨宵阿香怒鞭蟄雷車搖滂沱雲四
垂勢若捲春潮甘霖疾傾注琤颯喧庭蕉曉來開戶觀階
下洪河漂其深可垂釣溟漲攝一瓢槐作新蓋翠俯仰若
相招蜀葵自矜寵離立呈舞腰雛雅浴毛嘴鬥白鷺風標
苔滑不可步荒池緣紫綃我知四野外農圃樂意饒未得
餅餌喫黍稷弄新苗卻防我屋破檐溜呶且騎紙幕或穿
洞古籍愁頻澆閑官飽白粥四壁日蕭蕭戲作野菜箋以
爲龍鮓調未知所止泊且付新詩謠

逸吾祭酒來詩有一臺二妙之句因復戲荅

與公卜鄰朱鼎父漂麥長遭女隸侮撐匈典禮並寒菹氣

挾天瓢傾耗土充然瘦李出東州謂尊客百代臆胸入雕俎

淡言日出皆玩世時得莊語粲可數二妙公能羅致之那

更捐書數伯魯頻年筴漫羊亦亡堪笑居庫蝸戴戶卻看

桔梗時衰王傾倒世情爭腐鼠世士頌說國多儒方屢員

冠互標舉一朝槁葉戰商飈剽盜虛名神所吐方今起陸

伏三機四裔狙挾含沙弩濟時待卜真儒出權制誰知國

工苦湘鄉典刑不可作起衰勿為流俗沮何用蟲魚自困

神曾公詩男兒讀書良不惡胡為文章坐束縛何吳朱邵

自損神先師劉中璪細知非前輩許挈之大道賴有人勿
允酒後每喜誦之

使樵夫工掌撫願聞眾妙歸一陶拾級同游六經宇

原作

王先謙

枳棘叢中走樵父海棠獨笑誰敢侮

用東坡詩語

春風籬

落見標格不與凡材爭息土李侯長安作中隱廿載

高名溢觴俎閑居氣壓萬家侯僕邀諸曹那復數先

生羈棲意不樂頃亦遲遲思去魯文壇二妙世所稀

不放銜書入天戶固知得失互盈絀幾見鸕雛甘腐

鼠自庵老人負經沛壯志肯隨黃鵠舉天公故遣疾

相纏妙理高文坐傾吐小儒侍側竊餘論力薄焉能

張勁弩未忘端木山梁哀頗學堯文霜月苦齒牙獎

詩經乙
成媿踰分欲發狂言色先沮有田便歸吾計定年少
拏雲漫相許盛衰貴賤不足較近事澄觀掌應撫絲
能日飲更無何問道時思就衡宇

均父遺我新作橫幅紅梅一株枝老葉硬氣勢蒼古

因題句其上

芒屨蹋破天山雪那有梅花宮樣妝偶作疾風吹雨勢赧

虬鱗鬣照橫塘

詩人氣挾酒如龍萬里河源早洗弓但有剛腸迴屈鐵那
知秀語鬥輕紅

離合萍蹤十九年一流將盡故依然此花解脫冰霜劫香

徧華嚴卅六天

和均父

君懷雲氣漫穹谷我似沈鱗觸凍罾稍出枝言驚俗眼興

酣逸筆殺溪藤

君連以畫梅
大幅題贈

燈昏夜雨麩蓬鬢閣滿松風

寫曲肱他日小文煩點定吟安一字更誰能

放歌答施均父

憶昨湖上居世事百不通麗矚開茵閣飛橋瞰長虹連牆
各自具風氣天與兀傲忘人窮君頤髭未生我少顏方童
登山捉貔虎入水搜虬龍有時穿林著屐屐叩巖洞欲訪隨
煙上下之赤松飢語古殿寫佛語石龕驚走山精宮夜登

北山月落湖水黑藻荇粘天溼天容砉然長嘯百谷磨自
響漁火零亂忽出蓮花叢爾時百事自謂能鑿淺氣與江
流東豈知崎嶇浪走二十載嗒然城南兩禿翁施夫子君
持綠玉杖西尋雷翥海我落諸曹囚雞栖竟何待技成空
有屠鯨手涉險幾遭羣蟻醢既不能作陳子公藁街傳送
到支頭復不能作申屠蟠架樹傭耕匿文采攜示崑崙邱
上雲一囊癖好晚餘文字在君今頭白我早衰獲落都下
重攀追平生匈臆暫披豁握手相見無藩籬丈夫身在要
經世豈隨流俗俯仰爲感君鬱鬱梁棟具笑我棲棲蒲柳
姿施夫子鳳不遇丹邱露零竹花實龍不值岱宗灌壇雲

起時且須嗇養濯靈府餐六氣而樂朝飢鐫鑿造化者孤
往不以外物劓肝脾何如十頃之陂一畝之廬臨碕穿築
種樹鑿渠翳以篔簹林於被以蹲鴟雕菰杉松離立若議
禮大臣冠切雲而左右趨荷葉嫣然若紅妝翠黛啟皓齒
而弄明珠春弦歌而秋獵漁左圖象而右詩書觴豆堯禹
襟袿黃虞含德所被爭席卜閭飢兀兀兮飽肱肱夢則御
長風之寥寥覺則攬白日以舒舒與木石同壇以鹿豕爲
徒餘丹及雞犬樂道偕妻孥噫噓瘳世喪道矣道喪世曷
不歸來乎先王之蘧廬六籍之元都釋智遺形而與子同
游于物之初

言紀乙
調朱鼎父

時君方草順天府志坊巷考

都城一炊費白玉不噉花豬轉醫俗年年竹筍賤如荻呼
奴曉致蒼龍束先生每飭常不足嗇已恫眎生民毒球時
妙理漫塞胸無所發言嗟世濁坐令餘技搜方志長安六
街粉綺屬箭張酒趙削不收米祝花劉希見錄壁空四立
烏皮凭長物惟有壁經膺夜來風急雨如緼欲捲紙閣茆
三層先生時作橐駝坐宅神巷鬼不敢憎故遣老槐張翠
幔洒然三伏遮炎蒸此屋得編坊巷以君故君不聞汲族
多緣長孺升

省夜

秋林夜黑鵲驚枝殘鐙熒然蝙蝠語攤書兀兀人籟寂飛
蟲打窗似風雨

新竹

白業問三車書齋陋少花猶餘一枝竹解籜慰貧家

咏籜桶叟

心似萬年古井身如絕巘蒼藤食罷鑪薰一炷夢中三爻
飲曾

偶然作

目不睹介邱高耳不聞雷霆奔塞其眾細流以歸一原尊
捐滌曹耆好節序忘寒溫鉤鱗出增淵燧翼下重雲深之

言紀乙
又深而能物斂之又斂而能神君不見隆冬閉蟄槁落彼
萬象忽見艸木怒生一花含一春非至媻惡乎成萬物之
實非至靜惡乎發天地之仁

伯蘭宗室戲畫一驢一車一奴星作趨曹之狀意態
栩栩劇可笑也爲題一詩

暮投蓬蒿徑朝驅金馬門意惟東方生兀傲不離羣一羸
鼈跛足一車風吹帷亦有劉更生市人揶揄之毋謂車兀
兀寒酸到人骨毋謂車中人勃窣非理窟寒則冰生髭喝
則悶癢痛插版尻益高捧囊腹恆飢有時懷孤往豈徒困
黃衫乘虛跨綠耳造化日鐫鑿胥靡彼何士釣築化龍虵

脫輓笑奉春租車嗤畦夸要知天下事萬端待經緯豈彼
高車客尺捶足起痲迹有賤者絀智非貴者信四序亦相
嬾恃圭璧汝身析糠以爲輿名理洞窅奧大地以爲鞅愷
悌神所勞黔首此託命慎勿薄羣羈御者恥求去一笑姑
寘之韓公亦有言味薄差自幸心之潛也天得內觀其性
被褐不爲損三公不爲加浮浮長空雲且復窮幽遐慎毋
落吾事君觀此謂何捨車去相語所得詫已多

贈張廉卿

雞籠山下十年別已是蒼顏白髮翁世變驅人戰冰蘖古
心何日放昭融朋游寥落存差幸

幸未壬申間白下所見
若吳竹如侍郎戴子高

張嘯山劉肅父恭父諸
文學今皆下世久矣

文字沈冥癖偶同年輩推排到耆

舊欣看一鶴蹋塵紅

送梁節庵謫官歸嶺南兼寄潘孺初

人閒得失付雞蟲欲斥豨苓覓國工
剗彼災皮求道適乖
於時命覬天通自慚繫縛形骸內
何似銷沈文字中欲語
海南潘孺老卻從何處望冥鴻

題少司空徐公竹隱廬圖

公昔簪筆承明廬金庭列燭治官書
青山澗上不可到心
欲獨往夢蘧蘧冷風忽送得異境
榜曰竹隱堪逃虛覺來
潭洞失所在但憶石屋藏竊筴珍禽
穿林翠毛羽恠石跽

谷雄牙鬚長安何處得物外陸海塵漲吹檐車十年位望
致通羃老厭玉帶懸金魚籌邊指畫赤縣圖驚吏抱牘階
前趨墨朱束筭紛滿眼情僞百變艱爬梳謝公碎金善付
物亭決疑滯無留餘終然志在一邱壑吳禦城南天下無
童時釣游沙岸塌誰買煙艇穿菰蒲森森惟有手植竹梢
雲淖約臨清渠公家楚金箋詰暇招隱卜築窮朝晡海中
石龕勝夙夢追攝煙景生綃摹張之京邸雪色壁寒玉千
挺蒼不枯南垞北垞寄息壤對此聊釋形神娛達官更事
時所倚方欲折筮咎羌胡汗青建取不世業移山填海精
誠攄豈如山澤一臞儒青鞵布韞狎春鉏功成辭爵拂衣

去更向君王乞鏡湖

送廉卿先生出都赴保定蓮池書院

世緣沈濁不須論
喜見寒溪老宿尊
偶杖青藤憩京邑
還歸白社息歌煩
竹花霜重無佳實
松塵壇高有至言
我亦蓮池舊游客
磯頭釣石喜長溫

贈徐亞陶

七十爲郎執戟身
閒調粉墨鬥輕勻
踦羸不與諸曹共
皆媿偏於傲吏親
試作梅花啁寒雀
飽聞天馬出風塵
紛紛竿牘何勞數
蕭瑟途窮一寫真

晚霞寄興

乙酉仲秋作

西山危磴坼鳴湍喬木彫疏恠石盤忽見餘霞成遠彩還
從城闕射林端秋光爛漫無多子物象蕭條嗟已殫縱倚
丹楓迴晚景誰知野鶴警天寒

重九集棗花寺送逸梧學使別

招提眷隱樹蔥籠城缺幽蹊曲處通銜岫落霞穿檻入飭
盤秋果舉杯空使旌南閣推名宿妙墨西京接鉅公一去
湛盧迴紫氣明年勝會望江東

移居老牆根漫咏七首

丹楓烏桕江頭路買宅歸歟久浩然多難枝官何所補少
安泊宅且隨緣但期容膝龜支榻令我忘言魚脫筌最愛

城南瘦沈句三車白業五車爭
子培前年移居詩云然

獨往平生蓄此心生憎疲馬溺泥深求師幾仗扶持力逃
谷還求寂寞音坐具不嫌無長物幽栖終愛傍青林造門
檢點期佳客梅尉揚雲枉見尋

憶昨辛王璫尾餘墓田丙舍意何如龍荒舊劫誰同話虎
落新編更卜居池上雖輸履道興樽前且抱猗玕書 先
公故物猶堪譜悵觸殘編乾白魚

耆舊蠲吾吝與勞金門何異翳牆蒿潘子長鳴海鶴去
初孺
李侯朗鑿孤雲高
尊客 槁梧獨倚巖居士
鹿溪 石墨相貽王戶

曹第竹根判得同醒醉白社風流亦足豪

種樹前人緣滿廊更容老子此移牀結鄰大好依蕭寺廢
學無心覓鄭鄉佳節徒箋野菜譜新霜喜近菊花房更看
秋色窗光透槭槭疏林欲變黃

不厭清貧生事微竹書奇字結煙霏筆乾潤有碑磔椀琴
裂穿存玳瑁徽石闕秘收厓谷怪研池清得水雲機直洲

叢刻勞相餉有客新從海外歸

時友人以日本古逸叢書見餉

久客兒童漸長成驅雞覓栗聒柴荆稚松蓋已如龍爪

階下

有松長不掩尋而偃蓋扶疏其狀甚古

奇石形還似弈枰句律猶輸孟東野

功名何必李西平地偏喜得天光大任運騰騰判一生

張季直捷京兆以詩賀之

草檄論詩挾二奇雞林海客已聞知論交孰是腰忘帶發
解真如領摘髭雅志終期耕谷口浮榮翻畏震京師官家
正倚經生用遠業勤修更不疑

均父太守以重九未赴棗花寺讌集詩見示因荅

初言騎馬尋蘭若旋覺先生不出游落日銜山已催客新
篇破睡枉相投憑君目若營四海笑我身將棲一邱顏色
如公能少壯丹沙何用覓羅浮

井泉

井泉誰所鑿用汲媿吾須弁侈穿同賈

賈傳在長沙日穿井弁口侈腹如壺

芳甘品憶朱

竹垞先生南齋被黜後移居下斜街詩云一事新來差勝舊昊天寺近井泉甘今無此寺

勝呼傭修水筒借作徒弄切課婢寘風鑪一勺

君恩在王人受穀俱

寄示從子觀瀾德劭古詩一篇

我少與而翁讀書晦巖村撰杖嚴君側咿哦窮朝昏秋
攀柏子實春臥桃花根朝參熊鳥戲夕眺牛羊原煨寒山
僧芋斟暖田父盆白雲爲我廬溪水淨心魂世事百不知
意適蠲疲煩誰知不十年荆棘荒頽垣亂離先德殞痛
毒難具論氣象早摧塌食息強墮螿書堂已瓦礫舊宅亦
遭燔諸兄忽成翁頭白非朱顏我游學杭滬去鄉違故園
登高望丙舍淚落濁酒尊雖挾風雲氣而孤詩禮恩兒時

受句讀十憶已九。謏書局就齋鹽挾筴稍縛溫驅我寒與
飢南北疲趨奔心力日彫耗壯圖謝騰騫金門竊微秩孤
立失揆援銷金鍋無資炊玉甌有塵慶弔費日力墨朱紛
批根圖書懶占畢疑滯少平反老我與諸兄世網嬰艱礪
齒髮漸豁禿手脚易瘃皸孤多廢學迹往悔莫捫欲收
炳燭功期踐過庭言況爾年裁冠養嗣始翩翩詩爲吾家
事修辭質宜存六藝乃根柢九流亦條繁沈潛雅兼故采
擷史與彛異葩同一實學治乃合源大小器各適致用道
彌尊隱則自娛嬰仕期風俗敦矻華無過樸導轍始達門
汝學補我愆詩書急糞殮外物不可必澹薄信所惇土木

被緋紫視肉譏陋惜氣質不變化不如蒲盧仁戒之在積
累寶此昏與晨吾質樗且鈍倦想寂寞濱劇嶺構月榭面
江開風軒縛茅五百弓披牘三千番引泉黃精圃架石紅
藥欄伏臘追親舊春秋讌雞豚退編樵收伍卜與麈麈鄰
雅愛元漫叟真風絕塵喧州舉付兒輩誓畢嫁與婚息心
栖厓厂黜明御聰輪安能隨詰屈堀堞鞞籬藩汝志勿駭
俗抗心師老先將歸課汝殖蕭散忘寒暄對我袖中筴索
我笑口听山林皋壤閒策杖發興新人生貴適志養拙康
世屯

南村方古香文 先君行也年七十有八矣聞其尚

健詩以寄之

四朝老諸生行步及距虛下山噉紫芝上山赤松如神光
 射牛背邑故詞百車試署行義年八十尚有餘路險心太
 平面皺還丹除曾為黃石侶授我一卷書材薄孤公意凌
 風問何如

送張樵壑太常奉使墨利加洲長句三首

海外波濤爭長雄煩持龍節去和戎應傳陸賈新編語豈
 比張騫遠鑿空呵護好憑蒼水使真除再入黑頭公

君去年以

常少出為大順廣道今復

蒙恩以四品列卿候闕 應教海國知寒暑不與徐陵帶

熱同

二

公道撐犁八部推國基新造亦奇哉名王崛起西牛賀

默深

先生以墨利加爲卽佛說西牛賀洲居四天下之一

天使爭看東馬才野祭蹠林移

舊俗異花瞻蔔得新栽璽書銜出明光殿文字威儀絕域
開

三

出入黃圖擁碧幢復膺妙選使名邦意輕絕島程三萬望
重連城壁一雙握槩懷鉛猶手較忘年投分欲心降待公
還日陪遊展泉韻西山漱玉琤

陶然亭西軒

言經乙
三
饒得蕭寥趣天然粉墨圖智安交養也木月客知平野色
侵城斷嵐光入望無冥冥南去鳥秋影獵平蕪

獨坐

虛軒受月多直訝住煙蘿窗竹上疏影暝禽依靜柯官貧
稀物累地僻少人過欲索楞伽句忘言遂廢哦

朱竹石提刑遠餉古逸叢書二十餘種作詩報謝

朱君氣崛奇志欲清海寓上書屢言事筆挾千金弩夜光
遭按劍浩氣終不腐奴隸視尸居朱紫安足數更事目力
衰憂憤披肺腑李翱寫幽懷杜牧原兵府去年特蒙

恩召對碩人候大府延乞留玉帳佐禦侮還權繡衣節糾

察肅行部一飮餘鹽齏千村罷桴鼓平生文字性耆好六
籍古公暇追韓豪金石工擊拊猶憐孟溧陽微秩老倉庾
爲致青琅玕光氣排闥戶古心餉冥冥俗學矻矻响响詩史
草堂箋地形寰宇補一卷苦縣遺摹本壓石柱莊荀及篇
韻流別形聲乳其餘資游息根角粲羅縷斥公百宋塵華
子五星聚吾友楊景度下筆鵬刷羽是書楊心物兄守敬
客東瀛時爲黎尊齋
星使天遣泛星查鯨鏗震東土刻成不脛走裸壤駢章甫
校刊猶得折左言侏儻發羣瞽鴻編落吾手巨麗緣君覩材薄
倚吹噓耕孱鞭莽鹵惟憂龍虵戰誰縻蛟鼉怒丸泥觸與
蠻一笑牂兼殺願君繳青邱指撝迴白羽稍出平生期燁

張

廟謀武劍抉扶桑雲士女得歌舞安予灌園讀著論發掌

撫

均父以前夕話舊感懷詩枉示因次韻

何事騎危百尺樓雞豚自足譙春秋高才不恤逢箕口世
議真堪映劍頭尙倚波濤生健筆試盟魚鳥續前游湖邊
漁父應騰笑萬斛船輸一芥舟

或寄軍諮或隱朝夔蛟相習漫相嘲且披金馬三千牘勿
學靈龜八九焦水北清名陵石濬市南削迹類宜僚待君
康濟還初服楨木家山自足燒

臘月十九日自典客廨中西軒移榻東館感觸偶書

絕句

行腳蓬蓬西復東何殊馬耳射東風杜陵怕作河西尉新

乞

去聲

鷓鴣半畝宮

卻似酸寒老鄭虔廣文官舍尙餘氈不須細校佞盧字探
取懷中蒼頡篇

烏皮且喜淨無塵衙散狂歌覺有神待喚春婆起塵夢更

浮秋菊禮髯真

是日蘇文忠公生日

行年甲子不須評四十頭顱半白驚但得資高如葛稚乞
居句漏學長生

雖乖夙好且隨緣喧寂何分吏隱閒
新受曹溪平等觀藤梢橘刺一時刪

逸梧學使蒞節三吳途中追述重九日崇效寺餞集
作古詩二章郵示屬當歲闌遠垂光寵勗竭蕪音次

韻奉寄

祖筵如昨日葉脫霜氣肅疏麻千里來寒光映驪日軒車
乘雲翔勝集疑可續公乎千丈松久厭凡卉縛都講五經
師校文藜火綠聖心睠南學星駕朝命促霜皋奏清唳
大子振龔俗乾嘉流稍湮錢阮緒彌篤復開正始音茗茗
揆逝躅尙憐蕭寺別籜巾簪野菊晴樓瞰烟嵐苔砌倒芳

醪停雲隔江水悵望曠若谷

古心冥秋毫作者森眾列陋予螢爝光况絆世羅拙並世
還九能李沈鬱時傑俱入公鑪冶獨予蹇且劣流光擲人
去幹涕仗明哲填委滯下曹沈冥違往轍節行慚久頽頽
硃遲礧切不如謝鬣羈去依英蕩節挂席赤岸濤編排青
玉札簸今湔塵氛綻古抱遺缺

書東廡壁

已是蕭條歲暮心掾寮吏散晝沈沈且欣屋後藏山大黃

榭疏疏似故林

窗外有土山高三四尋老樹數株

北阮浮沈步兵酒東皋貪著樂丞閒一官羈絆吾何好二

子風流豈所攀

雙日牙參隻日歸
蹇驢識路望衡嘶
不須蓮勺尋張禹
只欲扁舟覓范蠡

并無雞壘與豨苓
枳棘危柯甚不庭
卻羨子眞耕谷口
次公何事獨長醒

一鉢集止此一卷前後卷皆不得蒙此稱坳記

詩續乙終

安般彙集目錄

詩續丙

歲朝立春

賦得春星帶草堂

東廨北窗外土山率爾成咏

題友人書庫

六言示江荔薌

東軒曉起

朝鮮使臣徐相雨祭書圖代

東園

早入左掖門

壯士

白海棠

牆內老槐

丁香花

次韻易實甫蜀中見寄 追錄

偶咏城西寓舍草木四絕句

四譯館夜坐

寄友人

土山

有竹軒雜興

三月二十九日

解舍有小亭居鐘樓巔下接眾木之杪頗可望遠戲
題曰木杪亭

獨遊華嚴寺

東軒卽事

四月十八日移床西齋

別東園樹木

別土山

徐亞陶曹郎七十初度作詩遺之

言經所
少宰宜興周公挽詩

日來寓直於西偏儲材館乃故相瀋陽文文忠公所
建感歎有詩拉雜書之不復詮次

偶題

謝同里葉丈餉野朮

漫書絕句

十刹海登水閣子日占一首

枯坐一首

戲作一首

又

護國寺羅漢松

謝人惠筆墨

憶昨游一首寄松岑戍所

又寄二首

懷繩庵學士

獨往

物撈

汪郎亭閣學奉使廣東臨發新納姬人爲作小游仙
詩十二首

雜興

讀後漢書方術傳下

逃暑

典午

次韻心穎南歸留別

不如且枯坐

通州張潤之封翁七十詩

孫徵君詩

并引

挽張芝浦方伯丈

四明張遽軒孝廉往者同學湖上今年六十矣而著
書滿篋贈之以詩

座主南皮尚書遺鮮荔支三百顆自粵之燕旬日而
達色香味俱未變也走筆賦長歌爲謝

復游東園二首

心在

賦得柳邊人歇待船歸

碧池

示漣上人

寄呂定子丈

送胡員外辭官歸上虞省母

城西荒灣積水氣象野逸與市朝遠便於散官僕移

居於此匝一年矣昨逆旅主人云將以此屋質於他
姓審爾卜居亦殊費力主人謝客客殆不免適適然
驚邪一笑作詩

贈朱鼎父侍御

時以言
事左遷

懷瀨上西村

錢光祿丈葦灣觀荷圖

又極樂寺看花圖

避俗

鼎父同年將南歸省覲走筆作歌送之近以困於吏
役目瞑意倦追述昔游煩茶失次知我者或不以為

嫌邪

重送一首

感舊二首

野菊

欲效

鼎父臨別以坐卧具見遺復作六言絕句四首

喜松岑赦還至自塞上率成五首

過潘孺老舊居裴徊久之時君歸瓊儋閒已五年矣
有懷而作

追懷薛桑根先生丙寅丁卯閒湖上讌游之樂

寄酬張通副時奉使美日秘三國卽題其羊城話別

圖後

臘不盡十日雪中西郊眺望

矮松

座主崇公家小園中有花窰茅檐土壁製作樸野而
天趣盎然小坐口占一絕

歲除日

安般篋集

詩續丙

芳郭鈍交

歲朝立春

丙戌

舊人難得迎新歲
澌澌庭梅初作花
况值青瑁擁翠節
乘雲夜讌東皇家
東風吹破冰澌
碧張樂扶桑挂瑤席
仙官手摘星貫珠
化作齋前五色石

時舉孿生子未匝月而殤

賦得春星帶草堂

西郊白馬寺南郭
碧雞坊風定星猶
颭窗虛室自光玉
繩斜屋角銀燭映
林塘剝啄無人過
幽栖意味長

東廡北窗外土山
率爾成咏

茲山雖尋初蔥籠一壑姿丹檻依喬木寒巢宿羈雌夜靜
 疏竹鳴如流冰谷澌惜無淮南術下鑿鍊丹池聊作園令
 隱藿靡青莎滋迹滯抑末累神超冥象奇碧城塵自遠玉
 樹蔭方移

題友人書庫

種桃何術成靈源春滿巖中無雜樹古人聖處眇獨智揚子

由於獨智 豈在盡通百家語勸君莫驚智無涯薄暮未知入自聖門

止泊處要窮日月鍊精魄假術修心發深悟蒙莊讚老子

而猶假至言以修心此即多識前言往行以畜德之意非

是則懼外憂侵誠焚吾和也石齋黃先生懿畜篇由之以
 作 日用曹溪半句亡晴窗一片風花度

六言示江荔薌

富陽人時爲
教習東館

莫笑廣文冷署還
欣列子連牆一枕冷
風忽送煙簑雨笠

江鄉

洲前梅藥舒白沙
上桃枝吐紅各有奇
春一段潭洞槎牙

腹中

富陽南岸桃花開時爛漫十里
吾邑有九里梅花洲足以相敵

東軒曉起

城居何異林藪屋後叢叢
小山知否蓬萊左股夜來飛墮
人間

犬吠籬門新月雅翻庭樹
殘霜且復據梧坐嘯犢車歸趁

斜陽

言紀
朝鮮使臣徐閣讀相雨祭書圖

代友人題

樂浪雲氣頽雞林碧樹彫槎客千里至鳴玉奏煙霄東維
有珍韎適館永今朝菰蘆仗奇士龕涕望孤標袖中風后
經談笑卻天驕神奇破竹素恥作湘東蕭錦暉十萬卷斫
柱嗤摧燒遑論蛻與鳥祭文享蟲雕待看鯨掣浪日笑鵝
栖茗

古言出巖壁古心聲金石何以摯古人賴有千載籍頽波
何虹洞異說滄方策誰知東方士墨守羣聖觚豺獮不忘
本何況媚學客經神俎何休僞體桃枚蹟玉梅三百樹遶
君蒼山宅丹邱篆吞胸乳竇瓊歆液一片清瑩心方潭秋

月白饑鮫戒狙何歌吹釀鋒鏑爲政先正名籌邊術宜擇
翩然游上都劍騎光鳥奕歸去石室春抱殘欣有獲

東園

東園萃起候星臺雲影林光豁復開天遣沈冥漆園吏花

時更挈小蠻來

酒榼也

浮青一笠界莓苔

山上一小亭

一日須登一百迴忽發狂言玉

女笑披襟坐對竹風開

早入左掖門

掾曹雁鶩有程期高柳疏星曙影移皎皎直心依土漚溶
溶太液漲春遲賈生五餌言甯切鼂令三長論已枝太息

書生空雀鼠幾曾抗議補時危

壯士

壯士不復射狂潮百金黃肩嗟已
昭晶晶日光四溟合索
索雲氣九邊彫石田何處黃鶴啄
花苑正散紫宸朝何時
盡錄天驕惡神武春祠用一臬

白海棠

何年蟠結此齋前月下頽雲翠鞞
肩伴我松明燒寂寞無
人錦障與迴旋亭亭不改太素色
睽睽欲下長庚仙銜子
何須定黃鵠故將避世老嬋娟

牆內老槐

秋收靈液藏一殼春弄密葉垂千條託根雖不得其所呼
吸自透青雲霄

丁香花

東園亭子露將晞一樹凌風翦舞衣離披春桂瓊四出錯
落雜佩碧成圍山蜂欲醉抱香去行蟻無心噙瓣歸閱盡
人閒春似水不如乘霧逐靈斐

次韻易實甫蜀中見寄

追錄

年少才函雅郎潛位應星枉君蜀道作感我草堂靈諧世
羞三術窮年慕一經匡時付君輩祇欲老沈冥

偶咏城西寓舍草木四絕句

詩經
九
次第花開八九枝
鬪他韓氏好辛夷
縱饒爛漫紅千葉
只愛小松曾入詩

主人耆好頗妨俗
祇合挂冠神武門
宿留卻爲閑草木
綠窗疏影伴黃昏

故鄉無墅可棲遲
充隱王城素飽嗤
收泣新亭向誰語
漫攜蠻榼挂高枝

花爲園主我爲賓
主客所然一笑親
更買湖嵌供露坐
待栽瀟碧媚煙晨

四譯館夜坐

元雖未草常耽寂
白欲生虛久愛閑
吏散庭空花自落
據

梧一剝叩瀉山

寄友人

鄧公孤且直衰俗起痿痺生在叢枳閒不改丹橘味馳驅
瘴雲鄉虵蟲吁可畏投老戀

君恩干譴忤時議拾遺不敢忘翦鬪看蒼蔚九重披琅玕
安得生兩翅

土山

略如高岸擁浮槎晚照西軒倒射霞夕飲冰人忙孰過朝
餐瀧客適何涯新巢得意山鳩鵲翠蕾無名野草花卻似
荒蹊落蒼耳遶林一帀手頻叉

詩經
有竹軒雜興

池涸尙黏萍點點岸涼正對竹娟娟春禽溼掠薔薇雨晚
蝶香棲苜蓿煙物情瓊細各自媚壯志蕉萃難爲妍漫借
官齋爲道院夜來皓月碧缸圓

三月二十九日

餘花三兩驚人眼好樹清陰障日圓隔屋書聲琅似磬暮
春花市散如煙似人羣語皆堪喜避世仙方莫浪傳何必
步兵廚始醉俗塵戰勝午窗眠

廨舍有小亭居鐘樓巔下接眾木之杪頗可望遠戲

題曰木杪亭

蟻國槐中觀物化，鹿亡蕉底葆天和。
登臨詆宕由來少，風日清妍所得多。
萬瓦鬱蟠浮陸海，四圍新綠俯交柯。
羣山王氣盧龍塞，表裏高明一放歌。

獨遊華嚴寺

衰王不常嗤桔梗，世身皆脆悟芭蕉。
獨尋疏磬穿林至，小住芒屨遠市囂。
經葉蠹穿僧廢律，花光凌亂客攀條。
呼僮沽酒日西去，綠荔支攜春一瓢。

東軒卽事

芳樹倚房櫳，新花鬥小紅。
雅嘯修竹裏，人語綠陰中。
世法象拘淖，妄心虵幻弓。
聊資一宿覺，暫釋百愁攻。

詩經
二
四月十八日移床西齋

海鳥樂菰蒲何心饗金奏偶緣避風濤暫止託雲構多謝
主人賢飲啄朝夕厚卑栖夙所甘微報慙未售蝸牛無定
居相宇角左右焉知棟梁橈浪逐晴雨走一枝良可巢敢
云達士守枕簟有餘涼槐陰覆清晝脩脩白日靜文卷罷
銜袖不待炷鑪薰觀心鉏昨謬

別東園樹木

槐蟻雨改穴不出旋磨中有時阻蹶涔水涸俄復通但憐
舊所止竹木鬱蔥蔥望之何暢然便擬息微躬居此得幾
旬又覓瓜牛宮勞生蠶營營波流浩難窮但媿綠卿意媚

我玉一叢欲去還稍住芳懷與誰同放汝千雲霄勿媒斤
斧攻擊條十年待誰駐童顏紅雙丸挂北枝百舌瘖南風
年運而往矣衰榮付天工

別土山

土山不世情何如定林好

白下二定林寺之交有土山荆
公曾作詩子昔游而樂之有卜

居之

志 寄此塵市內看人幾回老上有芳樹林鼠耳到合抱

山陰饒佳花山陽積煙草招我幾清晨熨我顏色槁亦有

講肆勤江

荔采
鄉謝封

才絕倒相與茗一甌風軒澹卻掃談空

撥灰芋說怪徵海棗定林不可攀旅懷空浩浩歎息別孱

顏吾其訪園皓

徐亞陶曹郎七十初度作詩遺之

京洛一塵中幾人全其眞擾擾昨暮兒繫著名與身且飲
且田獵昔夢俄已晨素旣染爲緇桂復摧爲薪獨有亞陶
叟飲酒得眞醕坐嘯白雲司倒岸烏角巾主客豈清秩同
落樊籠塵張南與周北諧笑漸相親得君野鶴姿坐忘餓
鴟臙秩雖後千品氣欲劇百秦觀奕楸樹下攜壺小池濬
雪穿東郭履山劈南田斲摘荷十刹翠移竹兩竿春買醉
得窮年爲郎老跋跋金魚壓玉帶花勝簇生新不嫌白髮
短未覺青春貧吾欲攜叟去西山劖嶙峋探碑翠微寺窳
釀蒼松根

裕陵時得異人獻釀酒法以佳釀蓋封
掘深山古松下數尺許埋之年久得茯苓氣色

如虎魄飲之
令人難老
杖引泉的鑠鉏翻芋玢璘振衣逍遙谷散髻

寂寞濱陰厓
胠石笈修瀑
弄天紳有蛟自可曾
有鯨亦可

緡勿啗龍鍾
憊能使王風
馴千金國工縮
晚作洛社民何

必靖長官始脫五濁
因龜堂息無聲
掌粟鳥啄頻用顧
權事貪

看白鷺下卻飮青精
勻吹笛響震谷
騎牛草鋪茵還隨地

仙去不知孰爲賓

少宰宜興周公挽詩

鈔胥擊脫不能供口授
文書若撥糴曾活萬人門
必大見

推一藝鑿何工國山碑有
重臨本陽羨溪無半畝宮
廉吏

可爲遽如許隻雞他日酌
橋公

日來寓直於西偏儲材館乃故相瀋陽文文忠公所

建感歎有詩拉雜書之不復詮次

虎賁寓直借蘭房屋勢連雲卻向陽小住偷閒聊卻掃靜

中晏坐漫然香

百年應得養士報拓築金臺用意長卜士有為先自重莫

驅雞鶩啄黃梁

採時表列富兼蘇馬格權奇孰應圖

同治甲戌文忠廷言取材能得如宋臣當

彌蘇轍通知大體者庶不憚批鱗作危論知公風節立朝於時事有所裨益云云

孤

不數竹西禮賢館豈仿南都史道鄰佳賓何處得侯計方侯

東域計 牆下森森竹似人

中原雲氣黯銷凝
鴉鵲喧啾閣幾層
海上孤鴻飢不顧
想嫌觸霧墮炎蒸

人物幾見道咸前
唐邵曾吳氣凜然

謂確慎位西文
正竹如諸老 蕭瑟

棘門何所恃
夏蟲閒暇議冰年

人言綆短汲深登
搢搢騎危不自休
今信老臣謀國意
百年喬木竟荒邱

柱下面壁信行藏
執戟猶慙漫作郎
一雨庭莎如髮翠
光風侵入小藤床

午眠一晌竹風清
兀兀暫時心太平
莫恠杜鵑橋上語
動

君嘗膽枕戈情

金甌無事覺長圓
漆女深憂眾不嘖
畢竟武皇誰得似
土崩論賞徐生賢

六安十五年前語

吳竹如
侍郎

蒼海橫流一
至斯夜望天河訊

槎客水邊精衛近安之

禮樂聲明七百年
大都人物幾凌煙

君王若問乘邊將
未老馮唐欲薦賢

偶題

宋賢之詩宋書勢
光鋌發露無留餘
卻看漢晉筆高簡
桐閒露沐柳風梳

時代漸降藝能衰以巧破質污靈臺
熱然晞髮勝人處物未生時花未胎

謝同里葉丈餉野朮

知別故山久開予物外情蕭然致白朮歸去掘黃精獸狀
白雲翳函封青李生欲訓無長物願伴採芝行

漫書絕句

渴鹿奔陽燄飛蛾投燭光君看刹那頃眩轉百千場

十刹海登水閣子口占一首

誰知五月王城裏淙水紅橋畫不成欲買江南黃篋舫醉
眠盡日檻前橫一蟬不鳴林轉寂雙鷺忽起塢邊明那羨

岑參漢陂樂波濤直是恐人行

枯坐一首

境以寂成樂吏舍如招提烏將鵲啄啄苔染草萋萋并苦
汲者少園荒鉏懶攜惟應曲肱坐歸夢泛西溪

戲作一首

諛哈為病崇方皇管子曾無辟鬼方切莫輕投葛陂杖眾
魔遮道殺長房

又

道高一尺魔高丈要以攻心為上策

劉融齋先生著寤崖子有他鬼我鬼之喻

先去我鬼而後他鬼不生此探源之論較之山鬼伎倆有
限老僧不見不聞之說更勘進一層公出世人乃亦見及

此耶洵所謂惟天下之靜
者乃能觀微而知著也
喝破秋墳鬼唱詩鐵圍山倚摩
圍碧

又

彌天那有龍城守四海但說婆羅門不須演孔刮老佛且
著阮瞻無鬼論

護國寺羅漢松

北人觀書眼似月南士隱酒氣如龍而今人物渺然處賸
有元朝北寺松

謝人惠筆墨

鏤畫冰脂費文辭粟帛慙曾無經世用轉枉助思覃銀管

異人記漆書奇字參散郎無月給兀兀老花南

憶昨游一首寄松岑戍所

憶昨紅樓聽夜雨花枝重疊隱窗紗層城迢遞催歌管曲
巷分明走鈿車說劍圖成紅粉笑鬥詩草就玉繩斜鳳城
此夕看雞塞兩影蕭蕭鬢各華

又寄二首

懺余綺語都消盡梵夾清齋掾廨中長憶榆園幾易主十
圍籠翠一樽空花落城南鬪雞道草生塞上牧羝叢蛟盤
筆勢應加健卻望文姬返漢宮

筆勢屈強撥戈鋌種柳白檀多歲年虎頭身在心猶壯蠶

尾詩成句入禪松欲生鱗

惠陵道

元年

惠陵聖德神功碑成史館知

君工篆檄題額字如張皋文先生故事

鶴猶未

返禁城煙稷門為報稀三絕待起台州老鄭虔

懷繩庵學士

疾雷應是不終朝湛露還晞下九霄直節生憐門尉雀撥

蒙幾見弁垂貂春蘭秋菊無時絕北斗南箕自古謠鸚鵡

聲催人去盡今餘錄錄抱關蕭

王仲翁譏蕭長倩曰不肯錄錄反抱關為

獨往

曉謂飄然出昏仍局促歸劇憐魚跳網那得驚忘機簷碧

林檎壓窗紅木槿圍平生期獨往一笑事多違

東坡詩正如此魚跳

言
網中未與造
物游數外

物攫

將心不挂物物我兩相攫不如聽物至物卻我還贏籬角
竹短短石床莎冥冥齋心入枯木蟪蛄乃聞霆

汪郎亭閣學奉使廣東臨發新納姬人爲作小游仙

詩十二首

碧油幢引向西樵神女無端奏玉簫想爲金堂仙寂寞戲
招煙玉暎清宵

巢痕欲別鳳池頭鍼孔還添牛女樓珍重芻尼好裝束支
機石畔造方舟

朝來行雨洗朱轡小字蘭苔刻篆痕想逐輕紅荔支去伴
君一笑海南村

前身詞客老維摩碧海浮幢偶欲波筆底繽紛花灑灑何
如天女散來多

詞頭夜下承明廬然燭頻修中秘書知否丹成洞天住看
看花影入甌餘

細葛香羅疊似雲侍臣霑賜 禁中分今朝一段光凌亂
退直歸詒到細君

未餐海色到羅浮先泛蘭橈潞上舟西岫晚來霞一片小
紅桃暈鬢邊收

倚徧三山更十洲
公家楚尾又吳頭
何當一舸垂虹去
只載明珠不載愁

使星臨發又添星
顏欲回朱鏡裏屏
嶺嶠名山待題徧
荔支初熟雨冥冥

軒車五嶽已遊三
補乞羅浮白鶴驂
江似青羅迴作帶
山如碧玉聳成簪

閑嘲小德記涪皤
黃山絡秀不妨無
外家蘭玉他年粲成

列何須姹女鍊黃芽

絳幔經師帶草香
種桃爛漫已千行
飛觴此夕傳花勝
應

許彭宣到後堂

雜興

朱果綠房簷角垂
疏松瘦石倒盆池
池受青天雲澹沱
松亞碧槿樹參差
日高花影貓相乳
風動林衣鵲蹋枝
鈍翁小極還幽興
攜藤遶徑一尋詩

近自署芳
郭鈍叟

讀後漢書方術傳下

青牛道士來行藥
白鹿真人好種松
何似收身一壺裏
閉門千息自濛濛

逃暑

何處堪逃暑
華嚴海色涼
人間春夢短
欹枕北窗長

典午

典午休言人物空阿龍超又謝公融尋常作用能迴俗蒲
扇練衣一笑中

次韻心賴南歸留別

直節生來絕傍依天泉歸去叩王畿請看棘下麒麟植何
似山中薜荔衣養到澗松寒轉好招君野鶴倦還飛暫時
分手東門道莫漫長歌和采薇

不如且枯坐

佳花令人悲美酒令人怒胡獨然吾和豈伊一身故悲者
悲黔首飢鴻號編戶怒者怒島裔脂膏汝股取霜風摧槁
葉勺水漑焦土跛牂牧太山穴蟻隄不禦邇來朝鼓失眠

眠誰令此憂遺

君父既不能作北平壯士百步穀黃肩

復不能效西涼主簿一搗迴白羽散木虛生塵世間已拚

老作秋草腐得時爲虎失時鼠蝸角紛紛安足數朝騎一

馬出排雲欲踞天關路雲霧晦冥無所遇將安歸兮白日

暮從此罷看東鄰花亦復不買西鄰醕不如隨緣且枯坐

定中天光發泰宇君不聞巨唐李生解高歌獵豷不能絳

龍虎拂衣試覓澹宕人莫遣青山偃蹇入官府

坡公詩青山偃蹇如

高人常時不肯入官府

通州張潤之封翁七十詩

殿前鳴佩玉不如農圃賢形神悴簿領不如林皋全海陵

有逸叟名氏畏世傳子各治一藝屋不踰三椽衣冠入簡
古詩句偶蒼堅馴鹿守先隴騎牛巡澗田出門鄉里敬結
交皆華顛竹徑尋蔣詡松窗述譙平鑪有青城芋人疑絳
縣年行戒玉抵鵲心如珠養淵未嘗入州府何事求神仙

孫徵君詩

并引

容城孫鍾元先生古之義士也不當以講學家目之
先生自敘謂少始讀書亦嘗妄意青紫自分骨脆膽
弱遂隱於舉人者七十餘年殆寓言也當其舉幡集
金救楊左日豈脆弱者所勝爲哉琴家有夏峯歌不
知者以爲尹芝仙作予斷以爲先生筆其詞曰東海

西山蓋自託於邯鄲玉貌首陽餓夫也曰歷數漢唐
宋元不忍言故國也曰蕭然一榻臥西窗下第見東
牖南軒雙丸出沒此非如邵堯夫玩弄光景語蓋如
諸葛灑終身不面北而坐也直哉先生

聖祖皇帝欲致之不可得歎息以爲天下大布衣宜矣彼
昏昏仕宦草間偷活沐浴佩玉昧君臣之義者自以
爲垂老筋力猶未脆弱其喪心尠恥何如哉先生之
志獲詘于亂朝而誼不委贅二姓蜚遯于

聖世而情不忘故君雖與日月爭光可也贊歎之不足復
系以詩

斯人明代棄徒令成勁節亡國各自賢其臣何知日光與
玉潔少游高陽門晚臥夏峯雪不仕
神功聖德朝迹晦神藏何勇決

挽張芝浦方伯丈

人生非木石太上媿忘情看君裁半百物化令人驚昔日
酒人游倏忽異衰榮天高鬼神惡外憂恐侵誠所以青雲
士蹈仁一身輕傳道謝史筆閉門守元經曲肱聽松風外
物不吾撓

四明張蘧軒孝廉往者同學湖上今年六十矣而著
書滿篋贈之以詩

風雨精廬隔屋燈廿年影事記猶能經生老去朱雲健禪
味參來黃蘗曾收取治安歸棐几戲拈方略盼瓜塍著書
應待朝廷索日費傳鈔幾許繒

悔予浪跡萍南北輸子元亨閱古今儒術早知青紫賤鬢
毛何故雪霜侵破除所習孤標出隲括爲言萬物瘖行欲
從公林下去汲緼懸水不辭深

浙東自有導岷手諸老殷勤竹素留七觀數誰賡伯厚九
題邀子和梨洲春蘭秋菊音塵在白石清泉日夜流落落

張黃元同與君齊名星向曙試迴劍氣紫衝牛

兜離海國雜羶腥不如閉門長抱經二萬一全新吐納六

菁三韭舊英靈鮎埼南關鶯花墅台嶽東開雲錦屏欲瀉
滄溟入杯杓千年與公同醉醒

座主尙書南皮公遺鮮荔支三百顆自粵之燕旬日
而達色香味俱未變也走筆賦長歌爲謝

尙書胸有干鱗甲森然列仗武庫中前年坐籌日南役氣
攜西日還於東機鈴出沒龍虎窟雷電搜攪蛟鼉宮山川
清明草木靜復遣萬里耕桑同六奇不盡玉帳祕猶憾早
挂扶桑弓不然炎維斬鼉足截業一柱磨青銅直使西域
佳花種赤縣不數漢殿爛漫蒲桃叢今年馬人龍戶得飽
飫村村擊鼓歌年豐從容羽扇軍府暇荔子紅綻林園風

戲驅南方草木到北極瓊漿潤洒原思窮閑情復忽被野
鷺銜子逕欲煩飛鴻鐵函蠟解顏色活娟娟露折干枝空
冷如霜沁甘比蜜生剝箬裏辭函封輕紅肌對酒重碧猶
帶羅浮煙雨青濛濛但疑中有曹溪泉一滴澡濯靈府芟
羣蒙時危光輝滅

玉食大臣濟時成歲功散官無補媿素飽對此未敢嘗新

醕分貽僚友放恣息以榮師賜霑春融致此者誰李元禮

仲約學士丈遣一力攜致與公熊耳開雙峯桐廬野夫無世用但思種

果儕畦僮願公整頓濟時了手驅海若觀海童越裳翡翠

入天府上林玉柰迴青蔥草書苦乏青李帖空首欲

言
報還怱怱

復游東園二首

秋光爛漫忽驚眼數月不到東園中
葵子彫房半蟲蟻蓼花緣砌能白紅
采樵誰識范記室策杖獨來張長公
閒遶土山還一市矰蜎瘦蝶菜畦風

無人朱弦激枯桐稚金敷涼秋已中
夏藹尙留鶴頂赤秋纈看到雁來紅
瓜架豆籬宜野客煙苗露蒨乞園公
綠天深處可充隱弱柳舞衣迎晚風

心在

身羈束牘千重笏心在寒畦幾稜菘
乾笑彥龍西邸掾坐

輸元亮北窗風

賦得柳邊人歇待船歸

改劭姪
夏課

一簇行人歇遙青罨夕暉欲攀垂柳待徐聽畫船歸未覺
波喧棹非貪汁染衣犢眠煙草接鷗警浪花飛障日移樵
擔迎颺候釣磯偶聞蟬破寂暫遣鷺忘機何處迴颿摻相
看倦鳥稀鹿門應未遠欲渡更依依
綠荷包飯客穿柳晚知歸小艇鷗邊待斜陽鳥外微遙喧
楓葉渡小立蓼花磯淨岸應憐彼來途旋覺非白沙連渚
色碧樹息塵機拂地知冠礙衝煙誤槳飛弛擔眠藉草怪
檝臥生衣便欲浮杯去風波與世違

碧池

夜半庭雅起翻翻樹影移疏鐘穿樹至殘月近窗窺世濁
經多礙人訛史亦枝碧池裝古簡祇以自諧嬰

示漣上人

勞生久欲觀河鰓世事真同算海沙輸與西林方外榻一
籬瘦影弄黃花

交游盡散陶方喜尸祝紛投楚轉嫌眞倒世人鹽味錯不
知更覓水中鹽

寄呂定子丈

衰微猶幸及揆緣老學蘭陵晚更媻但祝鹿裘娛九十更

煩犀甲董三千

時筦領水師學堂

網羅國故搜胡廣擺落兵家笑

李筌聞道華陽新種尤前游相約續孫淵

送胡員外辭官歸上虞省母

飄然一棹東州去暫脫朝衫著綵衣懷裏羨君丹橘好望
中懺我白雲非著書仲任甘辭秩解帶周磐旋息機歸趁
梁湖正秋色長腰米熟芡頭肥

城西荒灣積水氣象野逸與市朝遠便於散官僕移
居於此匝一年矣昨逆旅主人云將以此屋質於他
姓審爾卜居亦殊費力主人謝客客殆不免適適然
驚邪一笑作詩

言
三
郗嘉賓雖劣爲人營巖茨招來噉名客不惜百萬訾宋行
閒架稅堯夫失田廬賴得富彥國出券代官租鰥生百無
似非隱亦非吏竊食倉庾氏瘖聾聊避世偶愛韋曲勝尋
幽傍蘭若有水卽滄浪有竹卽林下春結酒人社秋憩苾
芻寮隈居象村鳴花發慰蕭寥此卽專一壑何煩闢三徑
晚牧應傳呼朝梵入清聽紫溪不可到遠近理還齊雲笈
數十籠日精兩三畦龜指及蝸戴聽命于牀殼問孰運行
是天隨謝機桔不逢髯參喜或惹鄭公嗔行儻惠民局拋
卻半山墩

贈朱鼎父侍御

時以言
事左遷

國病幽憂非一事敢陳宮府肅宜先精誠未許迴天譴雅
志甯能以曲全龜解仍銜重旭照草焚不使萬人傳會須
折檻旌臺職似勝君家畿令賢朱游越職上封事前史垂
為美談況君之職分固當
言乎鄙言及之竊申明沔水鶴鳴
之義非敢於古人有所軒輊也

懷瀨上西村

兒童扶杖過西村當日江袁二老尊

江退谷丈與
君往來最密

先
砭

俗雞蟲鄉鄙敬登山鸞鶴嘯歌存野梅蹋雪溪邊棹潭菊
浮金石上罇題竹小詩應已漫忽驚老大客修門

錢光祿丈葦灣觀荷圖

夕趨青瑣闥曉策西郊路平林盡處眺湖光一雨空濛洗

佳趣紅雲散作千娉婷照水明妝靚無數微吟杜牧晚晴
賦偷看風姿來白鷺捲簾西岫作屏風下瞰滄洲淨煙霧
嶼孤三面已浮空剗卻不令車馬通身在江南畫圖裏閒
划小舫碧油篷經過獵獵高荷下觥船淋浪浩如瀉游魚
灑灑白蘋風還就亭邊酒人社眾賓皆醉日西斜翠蓋攀
翻爭壓車南湖老人獨枯坐合丹戲折青蓮花

又極樂寺看花圖

尋春笑問春安在寫入橫綃錦作池爛占風光誰得似愛
公拄杖過橋時

花時喧咽鈿車來北榭東欄次第開會趁游蜂未知覺小

蠻榼倒紫莓苔

花壓西蜀珊瑚枝酒壓戎州綠荔支
但恨浣花翁少句
嫣然含笑出疏籬

野筵客散暮歸闌花影如煙鎖院門
還妬翻翻碧池月道人常得伴黃昏

看海棠月下最宜惜隔于重城不能玩此清景

卷中蕭散酒人奇自署小長蘆釣師江南春
早未歸去貪看酒顏生玉肌

覓香了自不可得此卽曹溪知見香
一語天機拈出妙詩

家秀句鬥花光

丈詩云花能殊眾在無香翻案卻妙

醉倚東風絕代姝不施鉛粉與唇朱
五年忘卻名花約起

覓城南舊酒徒

壬午春晚與潘孺初李尊客鄧伯訥出西
秩門徧游畏吾村極樂寺可園諸勝是日

孺老獨坐梨花下戲曰諸君皆愛海棠此一樹垂白鬢
獨與子宜子殆得專之則相與大笑舉觴為盡今孺老久

歸海南訥公則奉使
勘交南界未回也

看花百市人如海誰問金身倚一尋卻被拈花古佛笑從

渠開落總無心

思公野興多佳客時與歐梅共一尊

錢文僖自樞密
出尹洛中事 故事

留真普明院風流今日到雲孫

避俗

落葉閉閒門青蟲網槁樊呼童掃竹徑讀易就松根亦有
巾兼履并無琴與樽此中有淨土欲說已忘言

鼎父同年將南歸省覲走筆作歌送之近以困于吏
役日暝意倦追述昔游煩茶失次知我者或不以為

嫌邪

憶昨相逢湖上時年餘二十未生髭墨客登場誇背距大

禮賦出千人雌

君少作南郊賦大閱賦筆力壯健同
時意惟譚仲修明堂賦可相頡頏

我時

齋鹽寄書局李

尊譚黃元均
客同

常接躅精靈材力各飛揚

斂手推君時論篤山光照檻水環臺精廬突兀孤山隈按

圖相骨重神駿喚客披榛尋早梅明年君作鹿鳴客一鳴

聲華何籍籍弟兄聯騎入長安種出藍田雙白璧君留薊

北我淮南草屨輸君積思覃差幸鄰州得光氣何嫌同鍛

羽珍珍同治之末三報罷注訾聯翩作中舍馬卿張季各
不差出入槐陰直廬夜人閒茵溷無心值筵餅紅綾同拜
賜飛翠君登玉署仙參牙我落倉曹吏旋看日下夾漳居
商推傳鈔詞百車移竹借尋紫閣遠看山合劄翠微虛醉
入丹厓相枕眠戒壇松聲潭柘泉起來萬壑雲如海俯視
一氣心茫然春盤分饜銀絲膾秋社招邀成禊會中年衰
疾動相關休日談諧游物外物外區中隨分過笑談與世
殊白科朝出探碑剝苔石夜眠畫鋌望星河崔浩事十年石
火光中度耳聒米鹽心竹素時憂島索起橫流私著罪言
何足數獨上排雲踞蒼闔規勢陳形意周匝日南之役兩

上言夜靜風雷環一榻我慙蠻府逐參軍君旋西臺冠惠
文鑿空欲識條支卯說劍將求滄海君方今萬籟各瘖喎
眾莫測君貌閒暇豈知一筵欲迴天敢獻愚忱赤墀下

聖恩暫譴終旌直會敕緋魚復君職精誠白日自怡然知

與不知皆歎息

君謫官後沈君子培謂萬物皆流而金石

來歎息以爲

獨止君之謂乎呂庭芷觀察素不識君書
今之古人也兩卮春酒博親歡子能安之親亦安小別栖

眞臥雲壑歸帆吾里上風灘君歸喜氣動鄰里獨我何堪
久留此人生離合不可常種柳湖邊十圍矣眼花頭白復
何裨卻憶不如年少時待我蓋頭茅一把雞犬結社未嫌
遲

重送一首

平生出處駟蛩并一日離懷不可更我欲爲雲逐東野君
眞叱石訪初平韋公夢自憂王室槐里經須教後生橘綠
柑黃遠相迓江鄉風景不勝情

感舊二首

憶同騎款段隨意入桃花雨過看江色千帆映日斜風濤
壯楚蜀豪傑弔魚蝦老友不可作青山黃鶴賒

劉叔俛山長恭冕寶

應人此述丁丑
春游鄂州事

瀟洒吳公子桐江寒閣中合離廿年事南北兩飄蓬作吏
如冰雪世緣多異同淮南秋色老游侶舉杯空

吳禮園太守寶儉泰

興人

野菊

野菊開時酒正濃
花房排曲似窩蜂
尋常陽木全彫落
奇絕寒香耐過冬

欲效

昏雅啄啄葉疏疏
霜柿紅稀摘漸無
欲效蟄天蟲
隱約春來魂志一齊蘇

鼎父臨別以坐臥具見遺復作六言絕句四首

竹垞老人坐具移來紅蕙山房從此倦禪打座更乞安心藥方

君去超然塵外我猶帶水拖泥別後江湖夢闊對牀風雨
淒淒

浦陽文獻堪續穀水西頭墊巾未忘掃除宙合榻旁齟睡
何人

笑我橐駝枯坐看君道氣偏多雲臥各專一壑他年分我
煙蘿

喜松岑赦還至自塞上率成五首

華燈重照白頭新面帶微醒塞外春願我流連雞黍約邀
君收拾水雲身詩芟季子秋笳怨牀對元常雪夜眞歲晏
相看各努力渾忘兒女話悲辛

眼明方喜見華風未斲天機道豈窮浮藻刊餘見眞實艱

危厯盡返冲融故人黃土碑新樹

謂韋伯謙太守陶子緝學使張芝浦中丞先後

下世老學青氈穫晚豐

君留數日將仍返主萬全縣書院

耿耿未平惟一事

龍沙北扞陸渾戎

漸衰風味不嫌枯卻笑平生意氣麤磨蟻古來消日月涸

魚今得忘江湖雄奇猶欲圖狼望留滯何妨狎狗屠且莫

灘西招隱去嚴徐才句應時須

北泝南池舊泛舟自君之去罷清游重尋擬趁梅花信共

醉依然竹葉芻炊玉國中難爛漫銷金鍋裏且沈浮彌天

會合從連句題徧燕山八景樓

卻憶舊時中執法謂繩近來消息斷知聞天寒上谷牛羊

下雲枚西山鸞鶴羣

忽記戊寅秋西山譙游之樂

青坂久應原次律華

州偶未出參軍憑君為報當時掾卻掃鑪煙一炷熏

過潘孺老舊居裴徊久之時君歸瓊儋閒已五年矣

有懷而作

王城隱者惟君獨虛和中有骨嶙峋今夜海南孤島月照

予衣上九衢塵

枕椰林裏君獨醉稚子飮牛初夜歸誰作海南人物志藤

床危坐膝穿時

園荒屋老無人問誰記龐眉舊散官猶有畸人手栽竹遶

籬疏影十三竿

追懷薛桑根先生丙寅丁卯閒湖上讌游之樂

憶陪太守泛湖舟戲折花枝當酒籌紅袖拂筵教度曲白
雲出洞對披裘題名翠掃千尋壁授簡魚銜一寸鉤更索
何人賞佳句巋然苓落望山邱

寄酬張通副時奉使美日祕三國卽題其羊城話別

圖後

通副江海姿氣劇羅浮碧曠然天機精飽探六峯籍黑頭
早馮熊起家列霜戟吏能絕精敏疑滯無扞格備兵秦東
門築壘障海磧移幡監姑孰賭墅蠟游屐雕鏤出大句儒

史皆辟易兵符洞黃公談笑氣旁魄尤通四國故兜離搜
島索星野補山經月竈窮地虬俄蒙前席

召敷奏

天顏懌安危參國論奉常攝典客載筆銅龍門借籌玉帳
畫雍容資坐鎮表餌欣徐獲憶昨癸甲閒揮持九真役南
征屺元黃北戶瘼蒼赤走時掾典屬填委職章檄飛書治
旁午起草連旰夕蛟鱓恣陸梁憤無長弓射倚公議泉涌
發縱讐重譯披圖察亭埃喫酒暖鋒鏑智囊未盡用事機
多可惜公出擁兼城予留無六翮相見津門行媿予岸儒
幘稍解魯酒圍未還秦廷壁公旋銜旌節雅材推鄭驛

璽書煩造請言語妙簡冊非公材莫勝浩淼重溟隔搏搏

九萬里浮浮五牙船方今圖王會方言欣采獲墨洲最馴

順收我右臂益佛說西牛貨珍恠難箋釋魏默深先生謂佛說四大洲之

一西牛貨以今之喧傳天使來威儀殊方闢吹蠶伐雷鼓

墨利加洲當之一西牛貨以今之喧傳天使來威儀殊方闢吹蠶伐雷鼓

撞劍戲緣擲綠魚飛文波異鳥噉鐵液銜雲璫杯雙照夜

珠林百火輪日干程羊胛顧未炙錢漫孤塗面字畫旁行

革地雄俗良厚文物慕芾芻精誠開太蒙爾雅太蒙之人信雄辯

聲樂石傳芭名王墳美前汗格蘭脫有惠政既沒而民思之采異花供養墓門者數十萬人此

殆楚俗傳芭之遺邪樵翁亦率屬致敬國人咸悅桐酒天使席長拱軒轅都挂弓

扶桑脊獨憂西紅海尉候見招迫翁張仰 廟算懷柔費

長策颺聲君虎步，隱吏予削迹。剛腸老馮唐，鬱律髮半白。
展公敘別圖，樽酒黃甘擘。要章榮上冢，晝錦被鄉陌。丹青
寫離懷，蕭散倪老癖。倪中丞畫昨枉海外書，發藥起痿蹇。顧慙
才力衰，虛辱徵題責。夜深看劍氣，照我京洛宅。

臘不盡十日雪中西郊眺望

近條皆綴粉，遠樹亦妝瓊。臯禽與遙吹，一并作春聲。人外
青霞客，煙中白玉京。清輝誰攝取，畫本巨然成。

矮松

矮松不滿尋，側倚窗簷讓。蓋若虬蟠形，枝如熊攫狀。夏涼
風謾謾，赤日作屏障。春葩翦黃絕，吹落茶煙颺。雖無鶴伴

寒亦有粉供釀風月。此呿吟戶庭招清曠。匠石之所棄不
材神轉王護以麤眼籬六氣吸天養歲久待茯苓晚資仙
者餉昨宵雪蒙頭散花珠憶張此公亦好事戲與瓊藥抗
人間且託根何必凌絕嶂爾倘高千尺捎雲作濤浪予雖
煙火軀便欲巢其上咫尺汗漫游無心逐禽向

座主崇公家小園中有花窖茅檐土壁製作樸野而
天趣盎然小坐口占一絕

透日窗光不受風花煙續續玉叢叢不知門外塵如海春

在先生土室中

時公謝病閒
居二年餘矣

歲除日

又餒殘冬迓早春南陔不泊每傷神紛紛世事劍頭映錄
錄勞生車腳薪責子空將梨與栗捐書久以俗妨真戴公
山下如堪隱聞道蒼松已作鱗

詩續丙終

溫州府知府

溫州府圖書館